

1. 22

PER

LE NOZZE

MOCENIGO - DA PORTO



PADOVA

COI TIPI DEL SEMINARIO

1844

OTTAVIANO CO. DE MOCENIGO

Pensando che ad animo gentile non possono tornare che di viva compiacenza e consolazione la sincera riverenza e le libere lodi attribuite agli uomini veramente grandi di sua famiglia, avvisai che non venisse disagiadevole a Voi, nel giorno faustissimo delle vostre nozze coll'esimia donzella Laura contessa Da Porto, l'elogio di uno tra i molti illustri vostri antenati che cooperarono col senno e con l'armi alla grandezza ed alla fama della veneta repubblica.

Pietro Mocenigo, che dopo la metà del secolo decimoquinto fu eletto a generalissimo della repubblica, e nel 1474 innalzato a doge, nella quale dignità visse pel troppo breve corso di due anni, è appunto l'eroe di cui canta, coi versi che io v'indirizzo, Bartolammeo Pajelo cavalier vicentino al Mocenigo contemporaneo. Del merito del poeta non occorre ch'io vi dica; questo breve lavoro, ch'io ebbi la sorte di leggere autografo presso la pubblica Biblioteca di questa città,

benchè uno de' primi parti del suo ingegno, vale esso solo a scegliere quella fama, che troppo ingiustamente si tenne finora pressochè silenziosa in suo riguardo. Laonde tanto più ritenni non dover esservi discaro questo mio presente, dappoichè all'interesse dell'argomento va ad accoppiarsi quello che deve di necessità destare il merito del poeta e l'onore di una città, cui vi manterrà sempre cara la memoria di questo giorno e della vostra giovinezza.

Possa adunque tale offerta esser da Voi accettata come vera espressione della stima ed attaccamento che da' miei primi anni vi ho sempre professato, ed io andrò lieto, oltrechè del vostro aggradimento, della speranza di aver messo in luce il merito d'un figlio della stessa mia patria, e d'aver forse con questo saggio di latina poesia potuto eccitare gli amatori del bello ad apprezzare e render palesi altri componimenti di non minor pregio di così valente scrittore.

Vicenza 29 luglio 1844

FILIPPO DOTT. MILANZ

DE LAUDIBUS

P E T R I M O C E N I C I

CARMEN

BARTHOLOMAEI PAJELI



BARTHOLOMAEI PAJELI

EQUITIS VICENTINI

DE LAUDIBUS AC REBUS GESTIS

INVICTISSIMI VENETAE CLASSIS IMPERATORIS

EJUSDEMQUE PRINCIPIS DIVI

PETRI MOCENICI

SYLVA, CUI NOMEN MOCENICA

PRAEFATIO

Dum petit exultans audacibus aethera pennis,
Nec medio tutus limite currit iter,
Deficit infelix ac praeceps fertur in aequor,
Et nomen vastis Icarus addit aquis;
Et Phaetonteos rugoso e cortice casus
Testantur longis fletibus Heliades.
Sic quicumque supra vires nimis ardua tentat,
Raro non ausis excidit ille suis.
Res gestas, Mocenice, tuas, seriemque laborum
Quis canat, et tantum condere possit opus?
Tot domitas Asiae gentes, tot milite forti
Capta, tot ultrici moenia versa manu?
Certe ego non ausim, nec tantum adspirat Apollo.
E multis aliquid dicere posse sat est.

Maxime dux Venetum, quo nec pietate, nec alter
 Justitia sumptisve fuit praestantior armis,
 Non ego prisea tui generis monumenta revolvam,
 Quamquam ingens hortatur amor, non facta parentum
 Exequar, aut venetae repetam primordia gentis.
 Fors erit et locus his; modo me non invida servent
 Fata Deum. Nunc praecepue studiumque laborque
 Sit nobis utcumque tuas perecurrere laudes.
 Nam neque Pierides, nec tam Cirrhaeus Apollo
 Dexter adest, ut digna tuis praeconia rebus
 Aggrediar, tantumque animo comprehendere possim:
 Sic nostros nimio praestringit lumine sensus
 Tantarum rerum splendor. Nec protinus aetas
 Prima parum enituit, multum patriaeque tuisque
 Pollicita est, multum teneris praeluxit ab annis.
 Jam tum aere ingenium puero, jam dulces loquendi
 Pondus erat, vultusque hilari probitate renidens,
 Gratiaque, et rari mores, spes certa futurae
 Virtutis; neque enim studiis puerilibus unquam
 Dedita mens pueri, sed coetu adstare frequenti
 Saepe virum in medio, et praeclara audire juvabat
 Gesta patrum, atque hostes pelago terrave subactos.
 Tale dabat specimen, tantaeque exordia jam tum
 Indolis, atque adeo cum pubescente juvena
 Aemula crescebat generoso in pectore virtus!

Post ubi maturis annis adoleverat aetas,
 Tum vero ingentes animi, tum cedere virtus
 Nescia; solus amor titulis certare parentum
 Et claros anteire viros; discrimina terrent
 Nulla, vices nullae; duri certamina Martis
 Primus inis, postremus abis. Nec singula vero
 Nunc referam quae tunc aut pace, aut egeris armis
 Pro patria: quodnam studium, quae cura, quis ardor,
 Quam prudens animus, quaenam constantia recti
 Propositi, quam largus opum, quam fortis in omni
 Eventu rerum, quam fidus, et omne per aevum
 Integer et vera nulli pietate secundus.

Ast ubi summa tibi pelagi commissa potestas,
 Imperium pelagi, portusque, urbisque tuendae
 Quis referat? quaecumque vigil patiensque laborum
 Gesseris? Instabat jam capta Chalcide summum
 Discrimen, neque erant satis intra moenia tuti,
 Nedum non ausi campo consistere in armis
 Littora qui tunc praesidiis urbesque tenebant;
 Euboicis adeo perculsi cladibus omnes,
 Turcarumque furore ipsumque tremiscere gentis
 Nomen, et ex altis jam cernere turribus hostes.
 Nutabatque fides populorum, incertaque vulgi
 Pectora: tu patriae columen, supremaque visus
 Imperii, Mocenice, salus, quem posceret acris
 Jam pubes in bella ducem, qui tendere magnis
 Auderes animis contra, tantisque perielis
 Et rerum posses tantarum occurrere moli.
 Utque altum tenuit classis mare, protinus urbes
 Demissos tollunt animos, spes addita fessis;

Et modo qui portus terrorum impleverat, omnis
 Undique collectis extemplo navibus hostis
 Terga dedit cursu trepido, Phryxaeque ponti
 Ad claustra, et latebras pavidus confugit Abydi;
 Ceu quondam Cilices, audito nomine Magni,
 Aequare cesserunt, ut primum signa per undas
 Romanae fulsere aquilae, crepuitque tubarum
 Clangor, et ingenti latuit sub classe profundum.
 Vicit at ille vagos Cilicas; tu Thracibus oras
 Portusque obsessor recipis, volitansque per aequor
 Huc illuc fessisque et jam labentibus affers
 Rebus opem. Quidnam memorem quo pectore, quanto
 Consilio, quibus auspiciis, quibus impiger armis
 Corda fidemque virum, et dubias firmaveris urbes,
 Illyrico dum tu positas in littore gentes
 Epirique oram, et Phaeacum moenia, nec non
 Naupactum, multosque alios portusque sinusque,
 Inprimisque sinus Pelopeae gentis et urbes
 Aclaeas, dehinc regna petis Minoia, Creten?

Dum Scyros, dumque et Vulcania Lemnos, et omnes
 Lustrantur quas Aegeum complectitur aequor
 Cycladas assiduoque fremens interluit aestu,
 Dum claramque Rhodon, Venetis quae foedere juncta est,
 Expectatus adis; tum vero ad littora magno
 Undique concursu populi, lacrymisque ruebant
 Tendentes dextras miseri, auxiliumque precantes
 Circumfusi omnes. Multum quibus illicet addis
 Praesidii, firmasque animos et pectora dietis.

Interea regina Cypri Cornelia, sanguis
 Egregius Venetum, trepido perculsa tumultu,

Et magni infanda patrui perterrita caede
 Significat qui sit rerum status; insuper orat
 Classis opem. Irruerant circum, rebusque parabant
 Tantorum auctores scelerum, regnoque potiri.
 Hoc simul allatum est, subito commotus et ira
 Accensus: properate viri, atque occurrите coeptis;
 En si qua est virtus, inquis, si robur in armis,
 Nunc agite, et mecum trepidos invadite ferro
 Dum licet, et dubius pendet favor; ite, nec ulla
 Jam mora sit segnisque metus. Di segnibus ultro
 Infensi. Vix fatus eras. Illi ocyus arma
 Expediunt; jamque hinc cursu noctemque diemque
 Nusquam intermisso, Paphias contendis ad oras.
 Utque procul visi, fulgentia signa, leones,
 Atque armis longe pelagus radiantibus arsit,
 Tunc vulgi furor incerti, tantusque resedit
 Actutum motus rerum, missisque per urbes
 Praesidiis, pacata Cyprus ditissima et ingens
 Iusula, compositis rediitque in pristina rebus.

Littora dehinc Asiae, atque Otomani invadere regnum
 Mens tibi. Jamque iterum procedunt aequore puppes,
 Jamque tenent oras Cilicum. Stat Chalcidos urbis
 Ulcisci cladem, atque Asiae placare ruinas
 Grajorum manes; stat cuncta incendere late,
 Ni dedant sese, populosque excindere ferro.
 Magni continuo sedes praeclara Seleuci
 Atque urbes aliae, Perseaeque moenia Tarsi,
 Nec minus et celebris memorando Corycus antro
 Ut sumpsisse vident non aequis viribus arma,
 Pacem orant Venetumque fidem, quas, optime ductor,

Haud aspernatus, socias tibi foedere jungis.
 Tum reges pueros Caramani in regna parentis
 Restituis, fuerant Venetum qui castra secuti.
 Multae dehinc domitae gentes, multa oppida bello
 Diruta. Sic olim positus si viderit armis
 Procubuisse virum Libycus leo, protinus ardet
 Ira minus. Gaudet pavitantem cernere victor,
 Jamque illi vicisse sat est. Idem incitus hostes
 Tendit in adversos, totisque in praelia fertur
 Viribus, horrendumque fremit, perque arma virosque
 Irruit, et largis explentur caedibus irae.

Principio invadis qua parte acerrimus olim
 Navali Cimon fudit certamine Persas.
 Jamque urbs Attalia, atque omnis Pamphylia sensit
 Quantum animis et Marte vales; tum proxima late
 Littora vastantur Lyciae, totque oppida passim
 Direpta et laetis flaventia messibus arva.
 Hinc Cares bello domiti, genus acre vel ipsis
 A proavis, quorum in Grajos Regina secuta est
 Arma olim Xersis, sed non et segniter aequae
 Pugnavit. Molem haec eadem Regina sepulchri
 Ingentem, artificumque manu mirabile quondam
 Struxit opus: proh tempus edax, aevique vetustas!
 Saxa jacent, dumique tenent hederaeque ruinas,
 Et vix apparent tanti vestigia sumptus.

Protinus et junctis instas regionibus, et qua
 Maeander refluit, Pactolusque irrigat auro;
 Aggrederis dehinc et campos, ubi Pergama quondam
 Iliacaeque arces fuerant monumentaque rerum;
 Nobile Rhoeteum tumulo, et Sigea revisis

Littora qua steterat pugnantum classis Achivum,
 Atque Antenoreae laerymans cunabula gentis
 Diceris et veterum sedes veneratus avorum.
 Quis vero rerum seriem, tua fortia facta,
 Enarrare queat, tot saevi praelia Martis,
 Tot fusas acies, tot bella exhausta, tot urbes
 Eversas? Neque enim auderem, nec si omnia quisquam
 Andeat, et studio complecti et earmine possit.
 Te duce, spes Italum tum primum arreeta, timorque
 Cessit, et auspiciis hinc pubem armare secundis
 Coepimus, et multum auxiliis confidere Divum.
 Quaeque ad Byzanti nuper defecerat urbes,
 Ad Venelos rediit navalis gloria belli
 Et notas sedit supra Victoria puppes.
 Te duce, pacatum pelagus, nec jam amplius audet
 Hellespontiacis prodire a faucibus hostis.
 Vix hacc posteritas credet serique nepotes,
 Tanto ut successu, quod non potuere tot anni,
 Una quidem virtute tua confecerit aestas.
 Apparent nusquam nunc vela infesta per aequor;
 Tutum iter ad Lemnon, tutum est a Gadibus usque
 Ad Pharon, et tepidi stagnantisque ostia Nili.
 Non aliter quum diversa de parte furentes
 Incumbunt pelago venti, fragor undique vastus,
 Undique collectae nubes, raptasque procella
 Aut scopulo illidit naves, aut aequore mergit:
 Quod si regnator jubeat domitorque profundî,
 Protinus Aeolio clauduntur flamina saxo,
 Subsident late fluctus, caeloque fugantur
 Nubila; tum dextra quatiens rex ipse tridentem

Caeruleos hortatur equos; tenuis armiger alvo
Eminet, et cantu mulcet procul aequora Triton.

Mox et Abydeni penetrasses invia cursu
Claustra freti, ni jam in patriam dare lintea tempus
Imperii sub fine tui; proh quanta dedisses
Virtutis monumenta pater! Jam longa Propontis,
Atque ibi jam portus omnes, faucesque paterent
Thraciae; nulla hostilis violentia naves
Diriperet qua parte Asiam, qua gurgite vasto
Alluit Europae non hospita littora pontus,
Cui quondam cognomen erat feritate colentum
Axenos, et falso jam pridem nomine pontus
Dicitur Euxinus, violentis omnia quando
Praedonum in manibus, quando Phasisque Tontosque
Hei mihi! quam tenui petitur discrimine mortis
Nusquam esset locus insidiis, sed tutus ad usque
Bosphoron extremum cursus gentesque repostas
Atque olim insignes Phryxco vellere Colchos,
Hic quamquam regnis opibusque potentior hostis
Tigrane Armenio, aut ponti qui regna tenebat.

Decreto interea patrum victricia tendis
Vela retro, ac Grajūm positīs prius omnia circum
Littora praesidiis, Lemnonque et Cycladas omnes
Et Cretam, multosque sinus, qua Graecia late
Cingitur Ionio magno, portusque relinquis,
Gestarum ingenti rediens eum nomine rerum
Jamque iter accelerans Coreyrae ab littore in altum
Tendebat classis, puppesque aequata ferebant
Flamina; quum subito ingentes nec vana tumultus
Nuncia fama tulit: collectis viribus hostes

Ingruere infestos, atque ipsam cingere jam tum
 Obsidione urbem Scodrae, castrisque sub ipso
 Insedisse jugo, et campos operire catervis,
 Quam multa ex Asia trajecerit Hellespontum
 Millia Persarum Xerses quum sterneret aequor
 Pontibus, ingentes caperent vix agmina campi.
 Deficerent mediis e ponti cursibus amnes.
 Ut stabas celsa in puppi, tunc talia vultu
 Intrepido solitaque animi virtute proferis:
 Mene igitur positus hoc in discrimine rebus
 Vela dare ad patrias sedes? Sic gloria parta est?
 Hanc famam nomenque fero? Procul ah, procul absit
 Dederis hoc tantumque nefas. Succurrere certum est
 Huic urbi, atque iterum stat casus ire per omnes
 Pro patria, atque extrema pati. Sic fatus et acres
 Inflammas dictis animos ac fervidus instas.
 Vela legunt, dextrumque ad littus et ostia vertis
 Classis iter, superasque adversi fluminis undas.

Monte super posita est, praeruptoque ardua saxo
 Scodra; neque hinc procul est ingens lacus, unde perennis
 It juxta saxum, et devolvitur amnis in aequor.
 Haec Lauritanus tum fors Antonius acri
 Moenia servabat cura, vir sanguine cretus
 Patricio, cui res tenuis, sed vivida virtus
 Invictique animi; patriae non immemor ille,
 Non ille et gestis rebus titulisque parentum
 Degenerans, sua quem virtus ac tale senatus
 Ob meritum in claros summosque evexit honores.
 Ergo etsi munita satis virtuteque tanti
 Praesidis, ingenioque loci; tamen additur urbi

Haud leve subsidium classis. Flammantur in hostes
Ut notas videre rates. Tum clamor ad astra
Tollitur, exsuperantque animos ac crebra per auras
Spicula contorquent. Tum saxa ingentia muris
Devolvunt, quoties superassent ardua montis
Tentarentque hostes aditum. Saepe agmine denso
Magnanimi erupere viri, portisque sub ipsis
Conseruere manus. At Lauretanus in armis
Primus adest, primusque adeo per tela, per enses
Fertur, et instantes prosternit cominus hostes,
Nec quisquam se impune viro tam saevus et acer
Obtulit ardenti. Nunc hue, nunc fulminat illuc
Terribilis, cumulatque ingentes caedis acervos.
Tanta tuo adventu spes et fiducia rerum,
Tam praesens animus, virtutisque addita virtus.
Verum ubi jam numero premitur, consistere contra
Nec potis est, et turba ruit secundior hydra,
Tum demum excedit, multos ac tum quoque leto
Demittens, recipit sese intra moenia victor
Cum sociis. Nec tu interea, pater optime, cessas
Auxilium ferre obsessis, immittere classem
Per fluvium adversum praerupti montis ad usque
Radices, victumque exhaustae protinus urbi
Sufficis, et belli conatum eludis inanem.
Ausus praeterea vel ripa ab utraque ruentem
Deturbare hostem, campisque inferre cohortes,
Ac victor praeda toties spoliisque potitus
Threiciis. Jamque urbs tandem obsidione levatur,
Jam fessi Turcae vallum atque incoepta relinquunt
Irrita, perque vagi Epirum, perque arva feruntur

Aetola, aut quos unda secat Pencia campos,
 Et gelidam lacero petierunt agmine Thracen.
 Felices ambo, quorum non inmemor ulla
 Posteritas, neque enim gestarum gloria rerum
 Ullum aevi passura situm. Clarissima virtus
 Semper erit vestra, et populis venerabile nomen;
 Vosque patres patriae, servatoresque vocabunt
 Italiae, nec Marcello qui Gallica fudit
 Agmina, qui forti superavit milite Poenos,
 Nec concessuros Mario, spes una salusque
 Qui quondam Romae, fuerit quum dedecus, armis
 Delevit nostris gelidisque sub Alpibus hostes,
 Theutonicam rabiem Cimbrosque in bella ruentes
 Perdomuit, vastisque replevit caedibus annes.
 Nunc quoque par furor ac rabies, idemque tumultus,
 Exitiumque instabat idem. Jam clade futura
 Nutabat rerum casus, nisi vestra fuisset
 Cura vigil, fatisque instantibus obvia virtus.
 Haec si Turcarum cepisset moenia ductor,
 Hanc arcem, belli tanti clypeumque moramque;
 Hei mihi quas caedes, et quanta incendia passim,
 Quas clades hostis late stragesque dedisset!
 Vestris auspiciis non solum Scodra, sed urbes
 Servatae atque omnes populi quaque Adria terras
 Alluit Illyricas, et qua spumantibus undis
 Magnus Japidiae proscindit culta Timavus.

His vero exactis, patriam petis; obvia pubes
 It Venetum dehinc et tanti pars magna senatus.
 Jamque salutaris princeps, augustaque summus
 Tempora vestit honos; multis optatus, at uni

Ultro oblatuſ honoſ; et jam conſpectuſ in alta
 Centauro effulgeſ, veluti inter ſidera Phoebe,
 Quum pleno redit orbe nitor; nec Peliaſ Argo
 Heroaſ vexit tantoſ. Tum plurima late
 Turba ruit denſiſ ratibuſ, convuſa dehiſcit
 Remoruſ impuſu et ſulcantibuſ unda cariniſ.

Principio ad templum celiſ e puppiſ itur,
 Marmoreum ad templum, gradibuſ cui limina ſurgunt
 Aeratiſ; terno nituntur cardine valvae
 Ex aere ingenteſ. Variiſ Aſarota figuris
 Obſtruxere ſolum templi, tectiſque ſub altiſ
 Arte labor mira ſacraſ expreſſit in auro
 Effigieſ; idemque et templi in fronte renidet
 Artiſ honoſ, ſtant et Pario de marmore ſigna,
 Stat Leo tutela imperii. Tum quatuor auro
 Effulgent ſimul ac greſſuſ glomerare videntur,
 Soliſ equi qualeſ elati fluctibuſ altiſ
 Et maria et luſtrant radiant ſumme terrarum.
 Huc victor toto accediſ comitante ſenatu
 Dona ferent; hic arma ducum exuviaeque ſuperbiſ
 Telaque falcatique aptantur poſtibuſ enſeſ
 Et pharetrae laxique arcuſ, atque addita rebus
 Nomina. Sic ſaevoſ poſtquam domuere giganteſ.
 Caelicolae medium ſtellant ſumme aetheriſ aulae
 Laetanteſ duxere Joveſ, ſolioque reſedit
 Arduuſ, et toto ceſſerunt nubila caelo.
 Tum vero extremiſ properant e ſiniſ orbis
 Legati, imperio Venetum qui foedera jungant.
 Ipſe inter proceſſeſ ſolio ſublimiſ in aureo
 Oranteſ audiſ, vultuſ cui multa ſereneſ

Majestas, grave pondus inest et gratia dictis;
 Conspiciusque magis, quam nuntia fama tulisset,
 Visus es augustusque magis; namque omnibus, urbem
 Quum primum peterent diverso ab littore puppes,
 Mirus amor fuerat festinique aequare cursus
 Cernere ut optatos vultus jam jamque liceret,
 Affari coram, vocesque audire benignas
 Ac tanti responsa viri. Sic nominis ingens
 Fama tui terrarum omnes compleverat oras.
 Sic decus immortale viris, et gloria bello
 Quaeritur. Hac Bacchus, nec non ad sidera magnus
 Aleides molitus iter, dum Sitonas armis
 Indomitos superat Bacchus saevumque Lyeurgum,
 Fraenatasque tigres septeno a flumine Ganges
 Victor agit, dumque Aleides tot monstra per orbem
 Geryonem campis triplicem prosternit Iberis,
 Atque aërem premit Anthëum, Phariasque tyrannum
 Immolat humanis foedantem caedibus aras.
 Non tu vel fama rerum, vel nomine tanto
 Inferior. Si quis tua facta ingentia dicat
 Ordine, bellorumque velit conferre labores,
 Non minus aethereis et tu succedere dignus
 Sedibus, et Divum sociis accumbere mensis.

At te, si Superum veneti modo nominis ullos
 Cura movet, si qua est pietas, nec perdere fixum est
 Italiae populos, Di te, fortissime princeps,
 Serum adeo super astra ferant, terrisque reservent
 Incolumem; patriae decus idem atque optime rector,
 Et pater et venetae celeberrima gentis,
 Sospite quo diros fas nulli horrescere casus.

Aut aliquo trepidare metu, si forte furentes
Rursus in arma ruant hostes clademque minentur.
Nec nobis ea vana fides, quin exitus idem
Vesanae gentis furias, eademque sequatur
Auspiciis fortuna tuis quodcumque paratur
Terra, sive mari bellum, sive omnibus hostis
Viribus, atque utroque paret decernere bello.

Haec ego quae potui rerum monumenta tuarum,
Inclite dux, neque enim concessae in carmina vires
Ut dignas meritis possem tibi dicere laudes,
Accipe quodcumque est hoc muneris: accipe, nec te
Primitiis averte meis; non semper ad aras
Clitumno perfusa sacro cadit hostia taurus.

583 068